

HI NO WSBAK KE



Mipe kithe lokivi petha tsülü paghi ani.

Aju aje kivi, ajekipi kümtsü Alhouw shilu apelo.

2022 mipe pesü “GHILE HUNI” ipi keuno atsato shino ampe puwolukelo Akukuhou lo Achinemi eno küpülümi qo kükümsü kivi eno akukuphu kivi ghenguno alokepushi Western Sümi ghile kivi hulu ke Alhou shikimithi ani, eno nongu shikimithi. 2022 mipelo mlakupu mlavekeu, tomo-chhimove keu ghenguno nongu kümtsü lau akipimi khu ani.

KUPUKUNO KÜXÜ

Alhou no 2023 mipe pesü ningu kümghatsüke Alhou shikimithi, Ningu pelo ashi aghungu ghile kivi hulu peke 2023 mipe pesü “KUPUKUNO KÜXÜ” hino atsato shino Alhou vilo inikhu eno xüni ke kutoluvae.

Jon 10:10 lo Jisü no ighi keuye “aküxü kupukuno shi” apeniyeke; Atsathi “Kupukuno” hipauye aküa-akiní, aki-alu kupukunoshi pighilu keu tsa kumoe. Ninguno ithi akeuno küpükami no ighi chekeuye kiu keno lunikeu ghengunoke, ikemu Jisü no ayeghi hipaulo ighikeuye yeghilo küa-kiní ghenguno ighimono kütami ghenguno Pa küxü ikhiphepe tsüveni ke ghenguno ighike.

2023 mpe lo noye Ampeu Alhou ghenguno eno kütami ghenguno kiu tsülu nani kea?
2023 mipe ye:-

Akighino kupukuno shikeu mipe shini nolo

Alhou tsà no kupukuno shini nolo

Kikimiyeno kupukuno shikeu mipe shini nolo

Kupukunoshi akipimi qhikile keu mipe shini nolo

Aküpülü no qole qole kupukuno shi keu mipe shini nolo.

Kupukuno shi kuphu kilelu keu mipe shini nolo

Kupukunoshi adokivi Alhou tsülu keu mpe shini nolo

Kupukunoshi adokivi akukuhou tsülu keu mpe shini nolo.

Akighini, Alhou tsa, atsapi, akümla , aküpülü gholono kütami sasü küsajelu keu mipe shiluno mipe shekhalo ningu kümtsü pütüta lalo Alhou shikimithi ni nolo.

WSBAK REVIVAL KUHOLUVE KEU

Kiyezü Ghami Baptist Akukuhou no WSBK Revival sasü tsü keu lo Atsato: **“NI SHIPIVI TSÜLO”** ipi Luuqhi 20-22, 2023 lo kuholu keulo Western Sümi ashi-aghungu shikivi ithuluno Alhou shikimithi ani.

Kiyezü A Ghami Baptist Akukuhou eno, Rev. Kiheto Awomi sakiphe lono ajuaje kivi shi ahoho

sasü tsüke nongu shikimithi, Revival sasülu keu lo Alhou launo kükümgha kuloghi ithulu penike nikighini betsü ani.



QHÜINIJU AKEU

WSBAK Mission Centre lo ishí staff akeqoye akukuhou 178 züqhukishiuke, ishíye panonguno ngo anikemu thoghiye kütamino ilo ngo nani, akukuhou 178 lo küpülümi qono WSBK ke. Ninguno WSBK puqhe ighiketo itaghi piqhe küqhano puqhe kümtsani ninolo.

1. Chighi sajelo iloghikeu lono pungu saje Wsbak lo süighi akeu kimiyeno aghi aghi lono ado achipi lono sütsü penike shikimithi ani.
2. WSBK Staff momu Missionary tha putsü nikemi lakuju kije shi ani.
WSBK mission field lo Theology kiphimi sponsor shiftsü nikemi avehupu shi ani. Akukuhou no kumonamu lüthü momu akibo vilo küsajetsü penike shikimithi ani.
3. WSBK REVIVAL/ WSBK YOUTH REVIVAL sasütsü nikemi avehupu shi ani. Ayeghiqha kikili süchedolo Alhou ghungu kimithe nguno alau ye alaghi kütau kühavae.
Lüthü kukuhou momu atokujo küqhano WSBK Revival momu WSBK Youth Revival sasütsü nikemi ghenguno akighini shiftsülo.

Alhou tsano ishi pi ani.

“Iw timi ije kuchekeqono panongu kümla lhoküsa qhiveno ilau xaideghino, panongu xineqo ivilo piphe aye ino panongu kighini chilutsüno panongu kipimi qhivetsqni eno panongu yeghi ghi shipivitsüni”.

Alhou shoqhi hipau ninguw shiluve nike ghenguno kümtsü lokümsü shini nolo.

2023 mipe ghi ningu küqhano tokulu mipe shinike akighini shi ani nolo.

Alhou she.

REV. DR. PHUGHOTO SEMA
Executive Secretary, WSBK

NAGALAND PRAYER FESTIVAL

Alhou no WSBK Kümghatsüno ningu pelo Platinum Jubilee alokepushi kuholu peke shikimithi keu Alhou tsüghi WSBK no Lu-uqhi 28 & 29 avela kini “NAGALAND PRAYER FESTIVAL” kúpüghü shitsüno Nagaland lo eno North East lo shiaye sasü kuhono Alhou tsakiviu vechewo kütami kümghatsü nike Dr. Paul Dhinakaran no atsapiu shino ighono ahukulushi kuholuluno timi kutomono shikipivi eno kükümgha ithuluke Alhou shikimithi..



AGIZÜLO KÜPÜGHÜ

- 06-11 /02 Carpentry Training (DoPPD)
- 10-12/02 Father's Camp, HBCA (DoME)
- 11/02 Executive kükütsa
- 16-18/02 Women Pastor Kuposhukulu (DoWM)
- 18/02 Executive Kukuptsä
- 21-23/02 Youth Pastor Retreat (DoYM)
- 06-08/03 Music Director's Workshop (DoCMM)

ONE STOP SOLUTION FOR ALL KIND OF DESIGNING & PRINTING

WSBAK PRESS & PUBLICATIONS
Creative Designing & Printing Solutions

PRINTING

- Digital Printing
- Offset Printing
- Multi - Colour
- Screen Printing
- Flex | Vinyl | Sticker
- Flag | T-Shirt | Mugs Printing

DESIGNING

- Souvenir | Magazine | Leaflet | Brochure
- Calendar | Certificate | Visiting Card
- Wedding Cards | Banner | Poster
- Photo & Photo Frame | Stamp | Register
- Memento | All Kinds of Bindings

8787826340/03862-357565
wsbak.press@gmail.com

Gilgal-Ki, Anwar Hussain Road
Near Hillstar Cinema Hall, Dimapur : Nagaland

- Fast & Quality Service
- Reasonable Rate
- Timely Delivery